



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. V. Aliud argumentum dissolvitur

[urn:nbn:de:hbz:466:1-77355](#)

formalem & totalem suae relationis filium à se A
genitum; hunc verò esse duplicem, vel triplicem,
materialiter se habet; & si fuerit triplex filius
ab illo genitus, quilibet illorum est terminus
partialis: ita qui peccat mortaliter, respicit ut
finem ultimum totalem, vel seipsum ut bonis
temporalibus ornatum & affectum, vel bonum
proprium & privatum: quòd verò bona temporalia
qua appetit sint plura, vel dumtaxat unum,
materialiter se habet; & si fuerint plura, quodlibet
illorum est tantum finis partialis illius, vel
finis proximus in quem tendit, & à quo ejus
actus specificatur. De quo fusè in tractatu de
art. 2. peccatis.

S. VI.

Aliud argumentum dissolvitur.

145. **C**ONTRA primam conclusionem militat aliud difficile argumentum, quod potest sub hac forma proponi. Iustus peccans venialiter, habet simul duos ultimos fines simpliciter: Ergo potest homo sibi constitutre simul plures ultimos fines simpliciter. Consequentia patet, Antecedens probatur. Iustus venialiter peccans habet Deum pro ultimo fine simpliciter, cùm sit in statu gratiæ & charitatis: Sed habet simul pro fine ultimo creaturam, que est objectum sui peccati venialis: Ergo habet simul duos ultimos fines simpliciter. Minor probatur: Cùm enim peccatum veniale sit intrinsecè malum, & displaceat Deo, non potest in illum ut in ultimum finem referri: Ergo ordinatur ad creaturam, tanquam in ultimum finem simpliciter.

146. Mirum est quantum hæc difficultas Theologorum ingenia exercerit, & in quos dicendi modis eos abire coegerit. Sed reliktis variis illis sententiis, quas in tractatu de peccatis referemus ac refellemus, breviter respondeo, iustum venialiter peccantem se convertere quidem ad creaturam, quam inordinatè diligit, tanquam in finem ultimum, non tamen efficaciter & simpliciter, sicut illum qui peccat mortaliter, sed tantum inefficaciter & secundum quid: cùd quòd peccatum veniale non sic convertit in bonum commutabile, quòd avertat à Deo, & habitualē conversionem ad illum destruit, sicut revera destruitur per peccatum mortale. Non est autem inconveniens, unus & eundem hominem habere simul duos ultimos fines, ita tamen ut unus sit simpliciter & efficaciter volitus, alter verò inefficaciter tantum & secundum quid, ut in secunda conclusione ostendimus, & patet exemplo infidelis, vel peccatoris dantis elemosynam ex motivo misericordie, quod ibidem adduximus. Sicut ergo qui per peccatum mortale habitualiter est conversus ad seipsum, seu ad quodlibet bonum commutabile, tanquam ad ultimum finem, non obstante hac conversione & statu, potest operari aliquid opus bonum moraliter, quod actualiter vel virtualiter referatur ad Deum tanquam ad ultimum finem, imperfectè tamen & inefficaciter, quia per tale opus non avertitur ab alio fine ad quem est conversus habitualiter: ita similiter qui per gratiam & charitatem habitualiter est conversus in Deum, tanquam in ultimum finem simpliciter, non obstante hac conversione & fine potest operari aliquid opus malum moraliter, scilicet peccatum veniale, quod actualiter vel virtualiter ad bonum commutabile, tanquam ad ult-

mum finem referatur, imperfectè tamen & inefficaciter, cùd quod per illud non avertatur à Deo, nec deserat ejus amicitiam, imò maneat absolutè amicus Dei, & cum proposito admplendi voluntatem illius.

Dices: Impossibile est quòd homo simul apprehendat duos ultimos fines simpliciter, ut supra diximus: Ergo est impossibile quod appetat illos, etiam unum appetat inefficaciter. Consequentia videtur bona, cùd quòd nihil possit esse volitum, etiam inefficaciter, quin sit præcognitum.

Respondetur tamen distinguendo Antecedens: 148.

B impossibile est quod homo simul apprehendat duos ultimos fines, si hoc intelligatur de apprehensione practica tantum, verum est; non enim potest homo judicare huc & nunc in una re esse suam beatitudinem, & ad illam omnia alia ordinari debere, & ex alia parte huc & nunc esse aliam rem appetibilem non comprehensam in illa, & non ordinatam ad ipsam: si autem intelligatur antecedens de diverso genere cognitionis, uno scilicet speculativò, & alio practicò, falsum est: nam peccans mortaliter judicat speculativè solum Deum esse ultimum finem; practicè verò bonum commutabile, quod inordinatè diligit, ut finem ultimum apprehendit; subindeque simul apprehendit duos ultimos fines. Cùm ergo ad voluntatem inefficacem sufficiat cognitione speculativa, & ad efficacem requiratur practica; hinc fit quòd homo possit simul habere duos ultimos fines, quorum unus sit efficaciter volitus, alius verò inefficaciter: non tamen habere potest duos ultimos fines efficaciter volitos, etiam disjunctivè; quia illi requirunt diversa judicia practica omnino incompossibilia. Alias hujus difficultatis solutiones trademus in tractatu de peccatis, disp. 9. art. 4. ubi exponemus quem finem ultimum actu intendat ille qui venialiter peccat.

ARTICVLVS VII.

Vtrum quemque vult homo, velit propter ultimum finem?

S. I.

Quibusdam premissis difficultas proponitur.

149. **N**O TANDVM primò, & ut ait Cajetanus, ultimus est duplex, unus formalis, scilicet beatitudine in communi, alius materialis, nimurum res illa in qua collocat homo suam beatitudinem, sive sit Deus, sive bonum proprium, in quo, ut supra vidimus, peccator ultimum finem constituit.

Notandum secundò, hominem posse agere proper ultimum finem quatuor modis, actualiter, habitualiter, virtualiter, & interpretative. Actualiter, cùm actu expresso voluntaris tendit in finem ultimum; & tunc etiam dicitur agere propter ultimum finem formaliter. Habitualiter, quando habitualis dispositio reperitur in homine ad finem ultimum: homo enim ratione hujusc dispositionis, ipsi dominantis, dicitur omnia habitualiter referre in ultimum finem. Virtualiter, quando actualiter voluntio praedictus manet in virtute, & ratione ejus virtutis relictè homo operatur, etiam tunc